

آبونه اولق ایستینلر دائره عدلیه ده
اداره مخصوصه سنه مراجعت
ایتملدر
اعلاناک بهرندن بر مجیدیه اخذ
ایدیلور

نسخه سی ۴۰ پاره در

تذکره محاکمات

سنه لکی در سعادت ایچون مجیدیه
یکرمی غروش حسابله التمش
غروشدر

طشره ایچون پوسته اجر قی اوله رق
اون بش غروش ضم اولنور

نسخه سی ۴۰ پاره در

هفته ده ایکی دفعه جمعه ابرتسی و چهارشنبه کونلری نشر اولنور . محتویاتی امور عدلیه به متعلقدر

تبلغات

مناسرت ولایتی استیناف محکمه سی مدعی
عمومیلکندن وارد اولوب انجمن عدلیه به حواله
قلنان ۳۱ کانون ثانی سنه ۳۲۲ تاریخی شقه ایله
ملفوفاتی اوزرینه تدقیقات لازمه لدی الاجرا بوبابده
محاسبه دن یازیلان در کنار مندرجاتک مسائل قانونیه به
تعلق ایدن جهتی مواد جرمیه دن طولانی جزای نقدی
استیفاسی حکمنی متضمن ویریلان اعلاماتک تابع
اولدینی مرور زمان مدتک تعیینی خصوصندن عبارت
اولوب اصول محاکمات جزائییه قانوننک در تیوز
سکسانجی و در تیوز سکسان اوچنجی ماده لرنده
کوسترلیدیکی وجهله جنحه دن طولانی حکم اولنان
مجازاتک صوکه درجه ده اعطا قلنان اعلامک تاریخندن
و محاکم ابتدائییه طرفندن حکم اولنش ایسه اعلامک
مدت استینافیه سی گذار ایدیکی تاریخندن اعتباراً بش
وقباحت حقنده کی مجازاتک دخی تاریخ حکمدن
معتبر اولق اوزره ایکی سنه صکره ساقط اوله جنی
کبی جزا قانونامه هایوننک تقسیماتی ایجابجه جزای
نقدی ایله محکومیتی استلزام ایدن افعال و حرکاتک
دخی جنحه وقباحت نوعندن اولمنسنه کوره افعال
مذکوره مرتکبری حقنده معاملات تأدیه و تکدیریه
جمله سندن اوله رق تعیین جزا صورتیه حکم اولنان
بوقیل جزای تقدیرله متفرع اولان اعلاماتک
مرور زمانی محاسبه درکناری وجهله علی الاطلاق
اون بش سنه دن عبارت اولیوب بونلرک یالکیز
مصارف محاکمه به متدائر بولنان فقرات حکمیه سی
اصول مذکورک در تیوز سکسان التنجی ماده سی
منطوقجه اون بش و جزای نقدی حقنده کی احکام
مندرجه سی ده مجازات قانونیه بی تعیین ایدن مقررات
عدادندن معدودیتی اعتباریه مادتن مذکورتن
احکامجه بش و ایکی سنه اولق اوزره تعیین وتصریح
ایدیلان مرور زمانه تابع بولنش اولدیغندن اوراق
متعلقه میاننده بولنان دفترده مرقم اعلاماتدن طولانی
صور محرره دائره سنده تکرار تدقیقات اجراسی

و مرور زمان وقوعنه سیبت ویرنلر حقنده دخی
تعقیبات و معاملات قانونیه ایفاسی اسبابنک استکمالی
ضمننده اوراق مذکورنک اعاده محاسبیه تودیعی
لزومی انجمن مذکوردن افاده قلمشدر .

محاکمات و مقررات

در سعادت استیناف مدعی عمومیلکنده :

آتنه به فرار و تفوهات لیجانه به اجتناسار
ایلدیکی ادعاسیله مظنون علیه اولوب حال فرارده
بولنان بلغراد شهیندر وکیل سابقی رائفک
اصول محاکمات جزائییه قانوننک مواد مخصوصه
سی احکامنه توفیقاً جنایت محکمه سنده محاکمه سی
اجرا قلمق اوزره عسکری جزا قانوننک یوز
اوتوز ایکنجی ماده سی موجبجه جنایتله اتهامنه
قرار ویرلیدیکندن متهم مرقومک هر زرده
کوریلور ایسه طوتیلوب محکمه مذکوره
توقیفخانه سنه تسلیمی لازم کله جکی بالجمله ضابطه
عدلیه مأمورلرینک معلومی اولق اوزره اشبو
اخذ و گرفت مذکره سی در سعادت هیئت
اتهامیه سندن بالتنظیم اعطا قلندی .

ارباب فساددن اولدینی ادعاسیله مظنون علیه
اولوب حال فرارده بولنان خاچیک بلکدانیانک
اصول محاکمات جزائییه قانوننک مواد مخصوصه
سی احکامنه توفیقاً جنایت محکمه سنده محاکمه سی
اجرا قلمق اوزره قانون جزانک الی سکزنجی
ماده سی موجبجه جنایتله اتهامنه قرار ویرلد
یکندن متهم مرقومک هر زرده کوریلور

ایسه طوتیلوب محکمه مذکوره توقیفخانه سنه
تسلیمی لازم کله جکی بالجمله ضابطه عدلیه
مأمورلرینک معلومی اولق اوزره اشبو اخذ
و گرفت مذکره سی در سعادت هیئت اتهامیه
سندن بالتنظیم اعطا قلندی .

در سعادت منایت محکمه سنده :

مصره فرار ایلدیکی ادعاسیله متهم اولان
و مقدمات داخلیه نظارت جلیله سی تسریع معاملات
قومیسونی کتبه سندن بولنان مختار بک در دست
ایدیله مامش اولدیغندن تاریخندن اعتباراً جانب
ریاستدن کندوسنه مجدداً اون کون مهل اعطا
قلمشدر مهل معین ظرفنده محکمه به کلدیکی
حالده قانونه اطاعت ایتمامش نظریله باقیله رق
حقوق مدنییه دن اسقاط قلنه جنی و علیهنده
دعوییه قیام اولنه جنی و بوضره ده بر کونه ادعایه
حق اوله میه جنی و اموائنک جزا آتنه الهه جنی
و بالجمله ضابطه عدلیه مأمورلرینک کندوسنی
طوتمغه مجبور بولندقلری کبی معاملات جزیره
حقنده دخی مدعی عمومیلکه تبلغات مقتضیه
اجرا ایلدیکی جهتله اصول محاکمات جزائییه
قانوننک اوچیوز یتیش برنجی و اوچیوز یتیش
ایکنجی ماده لرندن استنباط اولنان احکامه
توفیقاً اشبو قرارنامه بالتنظیم اعلان اولنور .

وارنه به فرار و ارباب فساده التحاق ایلدیکی
ادعاسیله متهم اولان و مقدمات صماتییه ده اقامتله
پارمق قپوده چتال خانه قوندره ماکنه جیلکی

ایدن آستانه لی طروس ولد کیلانیوس نام شخص در دست ایدیه مامش اولدیندن تاریخدن اعتباراً جانب ریاستدن کندوسنه مجدداً اون کون مهل اعطا قلمشدر مهل معین ظرفنده مرقوم محکمه یه کلدیکی حالد قانونه اطاعت ایتماش نظریله باقیله رق حقوق مدنیه دن اسقاط قلته جنی و علیهنده دعوا یه قیام اولنه جنی و بوسره ده برکونه ادعا یه حق اوله میه جنی و اموالنک حیز آلتنه آله جنی و بالجله ضابطه عدلیه مأمورلرینک کندوسنی طومغه مجبور بولندقلری کی معاملات حیزیه حقنده دخی مدعی عمومیکه تبلیغات مقتضیه اجرا ایدلدیکی جهته اصول محاکمات جزائییه قانوننک اوچیز یتش برنجی و اوچیز یتش ایکنجی ماده لرندن استنباط اولنان احکامه توفیقاً اشبو قرار نامه بالتنظیم اعلان اولنور .

محکمه تمیز حقوق دائره سندن تنظیم واعطا اولنان اعلامدر :

بولنک قره چایر محله سنده مقیم درت دیوانی ملازم دامادی منلا حسین ایله محله مذکوره ده ساکن دباغ حاجی حسین اوغلی حاجی محمد ابا یتنده متحدث دعوا یه دائر بولی بدایت محکمه سندن ۱۲ نیسان سنه ۳۱۷ تاریخی و اون اوچ عددی ایله ویریلان اعلام مرقوم حسین طرفندن تمیز اولنغله اعلام مذکور طرفنک اعتراض وجواب لایحه لرله بالمطالعه تدقیقات تمیزیه اجراسنه ابشار اولندی .

اعلام مذکورک خلاصه مالی مزبور حاجی محمد اغانک محله مذکوره کائن متصرف اولدینی معلوم الحدود بر باب خانه سنک اتصانده بولنان مع حولی بر باب خانه نک ثلث حصه سنی مالک و متصرفی اولان طولایچی اوغلی نظیف اغادن ایکیلیک التیوز غروش ثمن مقابلنده مرقوم منلا حسینک اشترا قبض و تسلیم ایتش اولدینی عقد بیعدن اوچ کون صکره خبر آسنی متعاقب محضر شهوده و میبعک باندده طلب مواتبه و درت کون صکره دخی مشتری مرقوم مواجهه سنده طلب تقریر و اشاده بولنهرق شرائط شفعی ایفا ایلش اولمسیله ثمن میبع مذکورک کندوسندن اخذیه ملک مشفوعک طرفه تسلیحی

طلب و دعوی ایتسنه قارشو مدعی علیه مرقوم حاجی محمد اغا دخی مذکور خانه و حولی ملک مشتریسی اولدینی والیوم واضع الید بولندینی بیان ایتسی اوزرینه اول امرده ذی الیدک بالینه اثبات ایتدرلدکن صکره جریان ایدن محاکمه و تدقیقات نتیجه سنده حق شفعه اولاف نفس میعه مشارک اولانه و مرتبه ثانیه ده جار ملاصقه عاید ایهده مشفوع به خانه یه مشارک بولنان خیریه خانم طرفندن شمدی به قدر بر دعوی اقامه اولنهرق اولابده کی حق شفعه سی ساقط اولدیندن جار ملاصق اولان مرقوم حاجی محمد اغانک مشفوع به خانه قیوسنک حلقه سنی طوتورق طلب مواتبه و طلب تقریر و اشاده اصولی دائره سنده تمامیه ایفا ایلدی مدعی علیه مشتری مرقوم منلا حسینک انکارینه مقارن اولاف سر وبعده علناً لدی التزکیه عدل و مقبول الشهاده اولدقلری اکلاشیلان شهودک شهادت لرله تحقق ایتش و مدعی مرقومک حق شفعه سنی بروجهاه اسقاط ایتدیکنه دائر استظهاراً تخلفی دخی اجرا قلنش اولدیندن مجله نک بیک اوتوز یدنجی و بیک سکر بوز اون سکر ننجی ماده لری موجبنه مرقوم منلا حسین طرفندن اشترا اولنان مذکور خانه نک مع حولی ثلثان حصه سنک بدلی اولان اوچیک غروش مدعی طرفندن مشتری مرقومه تادیه ایدیه لرک حصه مذکور هی مرقوم حاجی محمد اغانک تملک ایتسنه حکمدن و مستدعی تمیزک اشبو حکم علیهنده لایحه سنده محرر باشلوجه اعتراضی خصمی عقد بیعی ایلوک اون سکر ننجی کونی خبر آلدینی ادا ایتسنه واستاع اولنان شاهد لرک شهاداتی ایسه یوم مذکور دن برکون اول کندولرینی اشهاد ایتش بولندینغه مصروف اولوب شهادات واقعه نک دعوا یه موافق اولدینی میدانده ایکن شهود مرقومونک شهادت لرینه بنای حکم ایدلسی یولسر و مغایر قانون اولدیندن بحثله اعلام مذکورک قضی استدعاسندن و مدعی علیه کی نتیجه جوابی دخی اعتراض مذکورک غیر وارد اولدینی بیانیه ردی و موافق قانون اولان اعلامک تصدیقی طلدن عبارت بولنشدر .

تاتار اوغلی حسینک دیوار یی دلهرک سر قته تصدی ایلدیکی ادا اولنسندن دولای جنایتله ایتام اولنان کونیه اوغلی محمدک اوچ سنه مدته کورکه قونسنه دائر اماسیه سنجانی بدایت محکمه سی جزا دائره سندن اعطا قلنان ۱۸ نومرولی اعلام محکمه تمیز جزا دائره سنجه تصدیق قلمشدر .

مُحَاکِمَاتُ اِلَنْبَا هِیَئَه

نعلو خان قضاسی ناچی و بدایت محکمه سی رئیس هاشم و محکمه مذکوره اعضاسندن مستنطق سابق عارف و مستنطق معاونی حسن و مدعی عمومی معاونی وکی سده افندیلرک خلاف اصول قانون توقیف و تخلیه معاملاتنه متجاسر اولدقلری انقره وقونیه ولا یترلی عدلیه مفتش لکنندن وارد اولان اوراق تحقیقه محتویاتندن مستبان اولسنه مبنی محاکمه آلتنه آلملرینه عدلیه نظارت جایله سندن مأذونیت ویریه لرک محله تبلیغات مقتضیه اجرا و رئیس مومی الیهک کیفیت محاکمه سندن طرف عالی مشیختناییه ده معلومات اعطا ایدلشدر .

اِغْلَانَات

انجمن اواره عدلیه

عدلیه نظارت جلیله سی مکتونی و ترجمه قلملریله امور حقوقیه مدیریتی و طیب و پول مأموریتی و در سعادت عدلیه مفتشکی و اسناد مدعی عمومیلکی او طه لرینک و در سعادت استیناف محکمه سی مدعی عمومیلکی قلمی ایله بدایت محکمه سی برنجی حقوق دائره سی قلمی مفروشانک قلماً تجدیدی موقع مناقصه یه وضع اولنوب شهر حال رومینک التنجی چهارشنبه کونی قرار موقی و اون اوچینی چهارشنبه کونی دخی یوزده اوچ تنزیلات قبولیه قرار قطعیسی اعطا قلنه جندن مفروشات مذکوره یی اعطایه و اعماله

طالب اولانلرک جمعه و بازار دن ماعدا ساعت بشدن اونه قدر محاسبه ویا انجمن اداره عدلیه یه مراجعت ایللری اعلان اولنور .

در سعادت استیناف مدعی عمر بیلکندمه :

تواریخ و مواقع مختلفه ده قصداً اشاع حریقیه مجاسرت ایلدقلری ادا قلمنسندن طولانی مظنون علیهم اولوب غیر موقوف بولنان قیدیلیده بش نومرولی خانه ده متصرفاً ساکن و غلطه ده قوافیان خاندنه ایکی نومرولی او طه ده مقیم آستانه لی قرق الی یاشنده بغوص یالیز جیان ولد استبان و پانغالی جاده سنده قرق بر نومرولی خانه ده ساکن آستانه لی قرق ایکی یاشنده اولوب یوکسک قالدیرمده یتش نومرولی دکانه اجزا تاجر لکی ایدن کر قور خزاروسیان ولد خاچیک و آبانوز زقاعنده یکریمی نومرولی خانه ده مقیمه ای تالیا دولتی تبعه سندن قرق بش یاشنده متوفی فردیشاند جیدونک زوجیه سی لوئیزا و قزی دولت مشار الیه تبعه سندن مذکور خانه ده مقیمه یکریمی بش یاشنده انورین و اوستریا دولتی تبعه سندن اولوب شدشخانه قره غولی جوارنده اوغنی موسی محله سنده تراموای جاده سنده اوتوز طقوز نومرولی دکانه قلمکارلق و نقاشلق و رسمچیک ایدن قرق یاشنده صوا ولد پترو و تقسیمه زامباق زقاعنده قولیک بطریقخانه سی عقراتندن طقوز نومرولی خانه ده ساکنه آستانه لی قرق بش یاشنده زایل نام دیگر مریم قیو بیجان و اما طاعی جاده سنده اون بش نومرولی خانه ده مقیم آستانه لی دوشمه سی مغیر ولد آر تین و اولجه قاضی قریه سنده قوش دینلده سکودلی چشمه جاده سنده یوز یتش درت نومرولی خانه ده متصرفاً ساکن ایکن بورکه طشریه کیندقلری اکلاشیلان سالم بک زاده یکریمی یاشنده جمال بک و مومی الیهک والده سی قرق ایکی یاشنده فاطمه اقبال خانم و کذکک مقدما پانغالیده الماطاعی جاده سنده اوتوزالتی نومرولی خانه ده مستأجر آساکن ایکن بودفعه محل مذکوره بولدریله مامش اولان اونیون اوفلوندون حریق قومانیه سی تخلیص مأمورلرندن و تبعه یونانیه دن مانولقو پراقاری ولد یانی و مرقوم مانولقونک متره سی اولوب مذکور خانه ده ساکنه ایکن کذکک بولدریله مامش اولان انکلتزه دولتی تبعه سندن مادام انازیزان و حال فرارده بولنان مارقونک اصول محاکمات جزائییه قانوننک مواد مخصوصه سی احکامه توفیقاً موقوف بولنان رفقای سائرله لرله برلکده جنایات محکمه سنده محاکمه لری اجرا قلنق اوزره قانون جزانک قرق بشنجی ماده سی موجبنه یوز التش اوچینی و یوز

التش دردنجی ماده سنک فقره اخیریه سی احکامه توفیقاً جنایتله ایتاملرینه قرار ویرلدیکدن متهمون مرقومونک هر نرده کوریلورلرایسه طوتیلوب محکمه مذکوره توقیفخانه سنده تسلیم لری لازم کله چکی بالجله ضابطه عدلیه مأمورلرینک معلومی اولق اوزره اشبو اخذ و گرفت مذکوره سی در سعادت هیئت ایتامیه سندن بالتنظیم اعطا قلندی .

نجات مریم حکم سنده :

محمود پاشاده یالیز خاندنه ساکن ایکن تجارت بحریه محکمه سندن افلاسنه حکم اولنش اولان انترانیک قیو بیجان ذمتده آله جنی اثبات ویا موقتاً قبول و قید ایتدیرمش اولان آله جقلورک قانوننامه تجارتک ۲۱۱ نجی و آنی ولی ایدن ماده سی موجبنه مفلس طرفندن تکلیف اولنه جنق قونفور داتونک مذاکره سی ایچون ۱۳ حیزیران سنه ۳۳۳ تاریخنه مصادف چهارشنبه کونی محکمه مذکوره نک مصالح افلاسیه رؤیته مخصوص او طه سنده کلری اعلان اولنور .

ایکنجی نجات حکم سنده :

بلاطده بلیدجیلر ایچنده دکانه ده مقیم نعلوریشو غانک ۳۱ مایس سنه ۳۳۳ تاریخندن اعتباراً اعلان افلاسنه و مصالح افلاسیه نک رؤیت و تسویه سی ضمتنه اعضای محکمه دن سعادتلو ابراهیم بک روز قومیسر و دعوی وکیللرندن محمد صادق و مارقوناخوم افندیلرک موقت سندیک تعینلرینه و مغازه سیله اشایی زائده یتیه سنک تمهیرینه و اوراق و دفاترینک جلبنه و کفالت مصدقه ارا نه ایدمه مدیک تقدیرده حبس و توقیفه و بویاده کی قرارک موقتاً اجراسنه ایکنجی تجارت محکمه سنجه قرار ویرلش اولدیندن قانوننامه تجارتک ۱۷۰ نجی ماده سی موجبنه دائمی سندیکلر انتخاب اولنق اوزره [۱۴ حیزیران سنه ۳۳۳] نچشنبه کونی ساعت بدی راده لرنده اصحاب مطلوبک محکمه مذکوره نک مصالح افلاسیه رؤیته مخصوص او طه سنده کلری اعلان اولنور .

حکم نجات امر داسنده :

نیقولاک سفر اوغلنه ایکنجی محکمه تجارت اعلامیه محکوم به دینی اولان آقچنک تأمین تسویه سی چون تبعه دولت علیه دن اعذار و قومانیه سنک بک اوغلنده قله دینده سن پیه ر کلیسای آبارتماننده ایکی نومرولی او طه دروننده محجوز بولنان قونسول یازنخانه لاوومان و سائره مثللو اموال و اشیا سنک فروختی

قرار آلتنه آلتش اولنغله بر موجب قرار اموال مذکوره شهر حال رومینک اون ایکنجی صالی کونی ساعت اوچده مأموری مواجهه سنده علناً بلزاید فروخت ایدیه لکنندن اشترا سنده طالب اولانلرک یوم و وقت مز بورده محل مذکوره حاضر بولملری محکمه تجارت اجرا دائره سندن اعلان اولنور .

در سعادت اموال نظام امر داسنده :

عدد	عدد
۳۵	اسکی شهر اودونی ۷۸
۱۲	اوتوز ایکلیک چیده نه ۴۴
۲۵۰	اورته چام تحته سی ۲۴
۶۰۰	چفته صندوق ۹۶
۴	یکری سکریل چیده نه ۵۰
۴	مخلوط اسقاطیه تحته سی ۱۲۷
۳۰	چیطه ۱
۵۰	قره دره تحته سی

امینه ناجیه خانم ایله حاجی مانولک مصطفی مظهر افندی ذمتده اولان آله جنک تأمین استیفای ایچون مدیون مومی الیهک مالی اولوب حیز آلتنه آلتان بالاده محرر کراستلر تاریخ اعلاندن اعتباراً اوچ کون صکره یعنی حیزیرانک یدنجی نچشنبه کونی حطب قیوسنده کراسته جیلرده اوچیز قرق ایکی نومرولی دکادن ساعت اوچده بلزاید فروخت ایدیه لکنندن طالب اولانلرک مذکور یوم وساعته محل مذکوره حاضر بولملری در سعادت اعلامات نظامیه اجرا دائره سندن اعلان اولنور .

عثمان افندینک عصمت اقبال خانم ذمتده در سعادت بدایت محکمه سی برنجی حقوق دائره سی اعلامیه آله جنی اولان بیک طقوز یوز الی بش غروشک مع فائض و مصارف محاکمه تحصیل محکمه مذکوره حه حکم آلتنه آلتش و مدیونته نک غیبوتی جهتله اعلام مذکور صورت مصدقه سی علی الاصول اعلان صورتیه تبلیغ ایدلش و مدیونته نک آلان غیبوت ایتدیکی اکلاشلش اولدیندن اجرا قانوننک یکریمی طقوز ننجی ماده سی موجبنه طقسان برکونه قدر مدیونته نک اثبات وجود ایلدیکی حالد مدعی طرفندن وقوعه جنق مطالبات قانونیه نک افساسیه اعلامک اجرایی جهته کیدیه چکی در سعادت اعلامات نظامیه اجرا دائره سندن اعلان اولنور .

فاطمه ثروت و فاطمه صابره خاتملرک والده وجدلری متوفاه خدیجه صابره خاتمک عهده تصرفده اولوب کندولرینه انتقالی لازم کلان والیوم قاشکاهی

مجهول قالفه اوغلى بغوص طرفندن ملغا دعاوى قلمى معرفتيله حجز آلتنه آلديرلش اولان اسحق پاشاده يكي محله چشمه زقاغنده واقع طقوز نومرولى برقطعه عرصه نك فك حجزى درساعات بدايت محكمه سى ايكنجى حقوق دائره سندن معطى ١٣ مارت سنه ٣٢٣ تاريخ واون درت نومرولى اعلام ايله محكوم اولوب محكوم عليك اقامتگاهى مجهول اولمى حسيله معامله تبليغه اعلاناً اجرا ايدلمش ومرقوم بغوصك اقامتگاهنك ايسه اليوم مجهول بولنش اولمى سنه مبنى اجرا قانونك يكرمى طقوزنجى ماده سى موجبجه تاريخ اعلاندن اعتباراً طقسان بركون طرفنده مرقوم بغوصك اثبات وجود ايتمى ومدت مذكوره طرفنده مراجعت ايدلمديكى حالده حجز مذكورك فكى صورتيله حكم اعلامك اجرا قلنه جنى درساعات اعلامات نظاميه اجرا دائره سندن اعلان اولتور .

احمد افدينك با اعلام نظامى عايشه خانم ذمتده محكوم به آله جنى اولان مبالغك تأمين استيفاسى ايجون مديونه مومى اليهانك عهده تصرفنده بولنان فرهاداغا محله سنده زيرك جاده سنده واقع تخميناً بيك طقوز يوز آرشون عرصه اوزرينه مبنى ذكوره مخصوص يكرمى واثانه مخصوص اون سكز قورنه يى وايكى باب اوطه يى وبرماصوره قرق چشمه صويينى حاوى و آرقه جهتنده بيك ايكىوز آرشون باغچه و درون باغچه ده التى اوطه وبر مطبخ وبر كبير دولاب و قيو وايكى آخور ومشمولات سائر دني محتوى مقلوب يتمش سكز وسكسان درت نومرولى چفته چينىلى حمامى ديمكاه معروف حمامك درت حصه اعتباريله برحق حصه سندن تاريخ اعلاندن اعتباراً اون بش كون صكره بالمزايده فروخته تشبث اولنه جنى درساعات اعلامات نظاميه اجرا دائره سندن اعلان اولتور .

فضيلتو احمد خلوصى افدينك حسين اغا ذمتده محكوم به آله جنى اولان مبالغك تأمين تسويه سى ايجون مديون مرقومك عهده تصرفنده اولوب حجزى اجرا قلنش اولان سليمانيه ده شمس الدين ملا كورائى محله سنده يغورتجى اوغلى زقاغنده تخميناً بيك درتيوز طقسان بش آرشون و دروننده ايكي عدد قيوينى حاوى اوچ نومرولى قوناق عرصه سى ملكنك ايكىوز سكسان سهم اعتباريله ايكىوز قرق اوچ واجار تينلو محلك يكرمى درت حصه اعتباريله اون بر حصه سى بالمزايده ليراي عثمانى يوز غروش حساييله اون درتليك غروشه طالبي عهده سنده تقرر ايدرك موقتاً قراردادده سى كشيد قلمش اولديغندن يوزده يش ضم ايله طالب اولانلرك تاريخ اعلاندن اعتباراً

اوتوز بركون طرفنده درساعات اعلامات نظاميه اجرا دائره سنده مراجعت ايللى اعلان اولتور .

اسكدار بدایت محكمه سى اجرا دائره سنده

عطوفتو نوح بك افدى حضرتلرينك آندوناكى زوجيه سى افترى قادين ذمتده بااعلام محكوم به آلاجنى اولان مبالغ معلومه نك تأمين استيفاسى ضمنتده مديونه نك ارثاً متصرفه اولوب متوفى مورثى اولان پدرى يازيجى افلا كيدى اوغلى قسطنطينك حال حياتنده مشار اليه نوح بك افدى حضرتلرندن استقراض ايتمش اولدينى آخقيه مقابل بيع بالوفا طريقه مرهون بولنان ومزبوره افترينك ديندنطولايى بوكره فروختى قرار آلتنه انسان چنكل قريه وجاده سنده كاڻ اولوب بر طرفى لطيف بك ساحلخانه سى وبر طرفى لب دريا وديكر طرفى قريه غولخانه و طرف رابعى طريق عام ايله محدود اوچ قات اوزرينه مبنى سكز اوطه وايكى صالون وبر شروان ومرمر طاشلى حولى ومطبخ وبر قيو وبر صهرنج وبر صندال استيعاب ايدن قايقخانه وبر مخزن وبر ليونلق وايكىوز قرق ذراع قدر باغچه ويتمش ذراع قدر ريختى وآيروجه ايكي اوطه يى حاوى سكسان درت ومكرر سكسان درت ومكرر سكسان درت وسكسان التى نومرولر ايله مرقم بولنان بر باب ساحلخانه ايله قرق سكز ذراع عرصه اوزرينه انشا ايدلمش اولان وشهرى ايكي عدد عثمانلى التونى ايجاره متحمل بولنان بر باب بقال والتمش ذراع عرصه اوزرينه مبنى شهرى ينه ايكي عدد عثمانلى التونى ايجار كتورر بر باب قصاب واون بش ذراع عرصه اوزرينه انشا قلنش مقدما صوباجى واليوم مسدود بولنان اوچ باب دكانده كى اوچ حصه اعتباريله بر حصه شايه سى تاريخ اعلاندن اعتباراً اون بش كون صكره بالمزايده فروخت اولنه جفندن اشتراسنه طالب اولانلرك ودها زياده معلومات الموق ايستيانلرك اسكدار بدایت محكمه سى اجرا دائره سنده مراجعت ايللى اعلان اولتور .

كوريجه بدایت محكمه سى مقوم دائره سنده

كوريجه ساكنلرندن پاندهلى ولد ويغو مانونك قصبة مزبوردهلى مدعى عليهما ديمترى پاپا ميخال ايله الحاله هنده اقامتگاهى مجهول بولنان آندون ولد پاپا ميخال عليهنده كوريجه بدایت حقوق محكمه سنده اقامه ايدلىكى دعوانك رؤيت ومحاكمه سى تاريخ اعلاندى ايكي آي صكره يه تعيين ايدلمش اولديغندن غائب مرقوم آندون ولد پاپا ميخال محكمه مذكوره بالذات كلى وياخود طرفندن مصدق سندله بر وكيل كوندرمى

وعكس حالده اصول محاكمه حقوقيه قانوننك يوز قرق بشنجى ماده سنده توفيقاً وكيل مسخر تعيينيله دعوانك غيباً رؤيت اولنه جنى قانون مذكورك يكرمى التنجى ماده سى موجبجه اعلان اولتور .

بصره مركز تجارت محكمه سنده :

بصره ده قطاز چارشوسنده مقيم تبعه دولت عليه دن وخردوات تجارندن حصيل الياهو نيطو بك تعطيل تأديت ايلمى مبنى اعلان افلا سنده ومصالح افلا سنده رؤيت وتسويه سى ضمنتده اعضاى موقته محكمه دن داودماى افدينك ژور قوميسر وارباب مطلوبدن وتجارندن موشى كوهين افدينك موقت سنديك تعيينلرينه ودكانيله اشياى زائده بيتيه سندن تمهينيه واوراق ودفاترينك جلبه وكفالت قويه مصدقه ارايه ايدمديكى تقديرده حبس وتوقيفه وبو بابده كى قرارك موقتاً اجرا سنده بصره مركز تجارت محكمه سنده ١ مائس سنه ٣٢٣ تاريخنده قرار ويرلش اولديغندن قانوننامه تجارت بريه نك ١٧٠ نجى ماده سى موجبجه دائمى سنديك انتخاب اولنق اوزره اشبو شهر مائسك ١٧ نجى پنجشنبه كونى ساعت ايكي راده لرنده محكمه اصحاب مطلوبك محكمه مذكوره نك مصالح افلا سنده رؤيته مخصوص اوطه سنده كللى اعلان اولتور .

قره سى سنجى بدایت محكمه سى اجرا دائره سنده :

مفلس متوفى پريكلى آندونى دينك ماصهجه قبول وتصديق ايديلان دينك تسويه سى ضمنتده كره سون ناحيه سنده واقع درت طاشلى وايكى عدد پاموق چيقرينى وآروپا آلتيله مفروش معشمولات صو دقيق فابريقه سيلاه اتصالنده اوچ طاشلى بر باب عرب اوغلى دكرمانى وبونلره مربوط بقال دكانى ومغازه واوچ باب عمله اوطه سى ودوه طامى وخانه وآخور وتيمورجى دكانى وقهوه خانه وفرون وصارى بكر قريه سى جوارنده بر باب دكرمانك اوچ حصه ده ايكي حصه سى وفابريقه اتصالنده اوچ قطعه سبزه باغچه سى وبرقطعه ده التى دونم باغ ودرت قطعه ده يوز ايكي دونم ترلار تمامك بالمزايده فروختى ژور قوميسر طرفندن بامذكره افاده اولنغله تاريخ اعلاندن اعتباراً اون بش كون صكره مزايده وضع ايديله جكنندن طالب اولانلرك قره سى سنجى بدایت محكمه سى اجرا دائره سنده مراجعت ايللى اعلان اولتور .